

Akunnittarfinni neriniartarfinnilu



sullissinerup ulluanut tikilluarit

Imai:

Sullissinerup ulluanut tunngasut	2
Sullissineq pillugu.....	3
Sullissineq akeqanngitsuunngilaq	4
Sullissineq immikut ittunik pikkorissunik sulisoqarnissamik piumasaqarpoq	4

Illit immikkut ittunik ilisimasaqarputit	6
Takornariaqarneq inuussutissarsiutaavoq pingaarutilik.....	6
2000-imi takornariaqarneq	6
Takornariaqarnermik suliffeqarfinni kaaviiartitat	6
Sullissinermi tunniussaq	9
Kalaallit Nunaat takornariarfittut	10
Pilerisaaraluni niuerfinni tuniniaaneq	12
Sullissinerup tunniunneqarnissaanut illit akisussaaqataavutit	13
Sulissineq pitsaasoq pillugu ajugaagit	17
Sulisoq tuniaasuvoq	17
Sulisoq akisussaaffimmik tiguisoq	18
Najugaqartup aningaasarsiagut akilertarpai	18
Suliffeqarfiit avataanniit qimerlooruk – najugaqartup isaannit	18
Najugaqartoq ilinniarfigissavarput.....	19
Najugaqartut sullinneqarnissaminnut kaapput	20
Sullissinerit tunniuttakkagut tanngassimaarutigissavagut	21
Najugaqartoq sullissinermik ajunngitsumik misigisaqassaaq imaattoqarpat.....	21
Siunnersuutit pitsaasut	22

Sullissinerup ulluanut tunngasut

Quppersagannguami matumani pineqarpoq sullissineq. Sullissineq pitsaasoq sunaava, sullissineq pitsaanngitsoq sunaava aamma taaguut sullissineq qanoq paasissavarput?

Quppersakkami inuit pingaarnertut pineqartut tassaapput illit suleqatitit aamma najugaqartortagut.

- **Sullissineq inuit akornanni pissusilersoqatigiinnikkut pilersinneqartarpoq**
- **Illit aamma najugaqartortatta akornanni pissusilersoqatigiinnikkut**
- **Suliffeqarfimmi namminermi illit, pisortarisavit aamma suleqativit akornanni pissusilersoqatigiinnikkut**

Najugaqartut aamma taakku najugaqarnerni pissutsit aallaavigineqassapput. Najugaqartortagut ilisarisimassavagut.

- **Najugaqartoq qanoq eqqarsarpa?**
- **Najugaqartoq sunik kissaateqarpa?**
- **Najugaqartoq qanoq oqarpa?**
- **Najugaqartoq taamatut qisuariaraangami suna taamatut qisuariarneranut pissutaasarpa?**

Suliffeqarfimmi namminermi pissusilersoqatigiinneq pingaaruteqarpoq eqqortumik sullissineq ingerlanneqassappat.

Matumani pineqarpoq sullissinissaq pillugu eqqortormik isumaqarnissaq aamma uagut tamatta immikkut ataasiakkarluta peqataanissarput najugaqartup maani nuannersumik najugaqarnissaa siunertaralugu

Najugaqartut pillugit ataatsimoorluta anguniagaraarput najugaqartut

- **tikilluaqqusaasutut misigisimanissaat**
- **nuannersumik misigisaqarnissaat**
- **uteqqinnissaat**
- **akunnittarfik najugaqarfissatut allanut kaammattuutigissagaat**

Sullissineq pillugu

Sullissineq sumut atussagatsigu?

Oqaaseq servus (servus=service=sullissineq) isumaqarpoq inussiaq.

Tassa imaappoq sullissineq inussiap peqqaataani suliassarpiarisimagaluarpaa.

Tamanna taamaakkunaarpoq. Sullissineq nutaamik allamillu imaqalersimavoq!



Sullissineq illit qanoq paasiviuk?

*Illit qanga **sullinneqarneq pitsaasoq** misigiviuk?*

Oqaatsit ikittunnguit atorlugit ulluinnarni pissutsit ilinnut tunngasut oqaluttuarikkit.

Suut misigitippaatit sullinneqarneq pitsaasuusoq?

Qanoq qisuariarpit?

Qanga misigiviuk pitsaanngitsumik sullinneqarneq?

Pisoq allaaseriguk.

Suut isumaqalersippaatit pitsaanngitsumik sullinneqartutit?

Qanoq qisuariarpit?

Sullissineq akeqanngitsuunngilaq

Inuit ilaat isumaqartarput sullissineq akeqanngitsoq, naatsorssutigisassaasorlu pisinnaatitaaffiusoq.

Ilaasa pitsaasumik sullissineq isumaqarfigisarpaat tassaasoq tunisassiat tunniunneranni imaluunniit kiffartuussinermut immikkut ilaatinneqartartoq, tassani aamma isumaqartoqartarpoq sullissineq akeqanngitsuusoq.

Taamatut eqqunngitsumik isumaqartut paasitinneqartariaqarput. Sullissineq akeqanngitsuunngilaq. Akunnittarfiit aamma sullissinermik suliffeqarfiit allat inuussutigalugu nappatigaat sullissinermik **nioqquteqarneq.**

Nioqqutissat tigussaasut assigalugit sulissineq uagut najugaqartuutitsinnut tunniuttagarput pitsaassuseqarsinnaavoq ajunngitsumik imaluunniit ajortumik.

Pitsaasutsip qanoq ittuuneranut pissutsit assigiinngitsut amerlasuut apeqqutaapput.

Taakku ilagaat uagut inussiarnersuunerput aamma akuersaartumik pissuseqarnerput. Uagut sulisorineqartutut najugartut ajornartorsiutaat tamaasa aaqqiivigisinnaangilagut aamma kissaatigisaat tamaasa naammassisinnaanngilagut.

Kisianni tamatta peqataasinnaavugut najugaqartut inussiarnersumik aamma killiliussat suliffeqarfiup pisortarisaanit aalajangersarneqartut iluanni eqaatsumik pineqarnissaannut.

Sullissineq immikut ittunik pikkorissunik sulisoqarnissamik piunasaqarpoq

Sullissinerup akeqanngineranik nalinginnaasumik isumaqartoqarnera sulianut tuniluuppoq. Taamaattumik sullissinermik suliffeqarfinni sulisorineqartut ajornartorsiutigisarpaat suliat ”qaffasissutut inissisimasutut isigineqannginnerat”.


”Sullissinissamut kajumissuseqarnissaq” ajornakusoortarsinnaavoq misigisimagaanni ataqqineqarani. Taamaattumik akunnittarfeqarnerup iluani sulisuusugut tamatta ikioqatigiisaagut suliffitta isigineqarnera qaffassarlugu. Immikkut ittunik suliaqartugut pikkorissaanitsigut, sullissinermik qaffasissumik pitsaassusilimmik tunniussisarluta aamma najugaqartup pinngitsoorsinnaanngisaatut siunnersortaalluta, taava suliaqut pillugit ataqqinnittoqarnera pilersissavarput.

Illit immikkut ittunik ilisimasaqarputit

Sullissinermik suliffeqarfiit ilaanni sulisorisat nammineq suliatic immikkut illuinnartunik ilisimasallit suliaattut isiginiarissallugit nuannarisarpaat. Taakku tassaasinnaapput aningaaserivinni atorfillit, nakorsat aamma eqqartuussissuserisut. Taakku suliaat immikkut ittunik ilisimasallit suliaannik taaneqartarput qaffasissumillu inissisimasutut isiginiarneqartarlutik. Kisiannili aamma tamaappoq saaffiginnittarfimmi, neriniartarfimmi, igaffimmi, takornarianut allaffimmi aamma allarpassuarni akunnittarfinni aamma takornariartitsinermi suliffeqarfinni allani sulisorisanut.

Immikut ittunik ilisimasalik tassaavoq illit:

- Sullissinermi illit pineqarputit!
- Pitsaasumik sullissinissamut illit matuersaat tigummiarpat!
- Pikkorilluinnarlutit sulissaatit!



Takornariaqarneq inuussutissarsiutaavoq pingaarutilik

Ullumikkut takornariaqarneq Kalaallit Nunaata aningaasarsiorneranut annertuumik tapertaavoq, nunallu inuussutissarsiuteqanerani inuussutissarsiutit pingaarnarpaat pingasut ilaattut inissileraluttuarluni. Akunnittarfinni, umiartortut angerlarsimaffiini, pisuinnarlutik takornariat unnuisarfii, takornarianut allaffinni, timmisartunut mittarfinni, timmisartuni aamma umiarsuarni uagut suliffeqarfisinni aamma Kalaallit Nunaannut sinniisaavugut, tikeraartut, najugaqartut pulaartullu naapinneranni saqqissunnerannilu.

2000-imi takornariaqarneq

2000-imi takornariaqarnerup ineriartornera naatsorsuutigisat tamaasa qaangerlugit ingerlasimavoq, takornariallu 19%-ip missaanik amerleriaateqarsimallutik, takornariat Kalaallit Nunaannut tikeraartut katillutik amerlassuseqarlutik 31.351-inik.


Kalaallit Nunaat aatsaat taama nuannarineqartigaaq. Taamatut nuannarinnernerujusussuarmut pissutaavoq tusagassiuutitigut sammineqarnerujussuaq Leif Iluanaarajuup Vinlandimik nassaarnerata ukiut 1000-inngorneranut, Kunngissap qimusserluni angalaneranut atasumik kiisalu minnerunngitsumik pilerisaaraluni niuerfinni tuniniaaneq, angalaartitsinermik ingerlataqartut, angallassinermik ingerlatseqatigiiffiit aamma takornariartitsinermik inuussutissarsiutillit qanimut suleqatigiillutik Greenland Tourism siuttoralugu 2000-imi ingerlataqarnerat.

Takornariaqarnermik suliffeqarfinni kaaviiartitat

Takornariaqarnermik suliffeqarfinnut tamanut ukioq 2000 ukiunut allanut tamanut naleqqiullugu pitsaanerpaasimavoq. Mianersortumik missingersorneqarpoq Kalaallit Nunaanni takornariaqarnermik suliffeqarfiit ukiumut 280-300 mio. kr.-it missaanik kaaviaartitaqartartut – Atlantikoq ikaarlugu timmisartuussinerit ilanngunnagit. Tassa imaappoq matumani inuussutissarsiut

pineqarpoq annertoorujussuarmik annertusiartortoq, aamma piffissaalluartillugu ukiunut aggersunut annertuumik neriulluarfissaq.

Illit suliffeqarfiit suliffeqarfittut sullissivittut



Illit suliffeqarfiit annermik sullissinermik imaluunniit nioqutissanik tigussaasunik pilersuisuuva?

Suliffeqarfiit ikittuinnaat sullissinerinnamik ingerlaqarfiupput. Amerlanerit nioqutissanik tigussaasunik aamma sullissinernik pilersuisuupput.

Qulaani assiliartaliussami naleqassutsit takukkit oqallisigalugulu suliffeqarfiit ataasiakkaat eqqortumik inissinneqarsimanersut.

Illit suliffeqarfiit sumi inissisimava? Najugaqartup aamma tamanna taamatut paasisarpaa?

Illisit sulifeqarfivit sullissinerit tunniuttagaasa ilai allaaserikkit:

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There are approximately 20 lines visible. The paper has a slight shadow on the right side, suggesting it's resting on a surface. There is no handwriting or other markings on the paper.

Sullissinerni tunniunneqartuni sulisorisap najugaqartumut attaveqarnera qanoq apeqquaatigaa?

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

Sullissinermi tunniussaq

Akunnittarfinni sullissinermi tunniussaq tassaavoq misigisaqartitsineq

Akunnittarfimmi aamma neriniartarfimmi tunisassiaq siullermik sallsaallunilu tassaavoq sullissineq. Sullissinerit uagut neqeroorutigalugillu nioqqutigaaqut.

Unnuineq aamma nerisassat siumoortumik aamma tunineqarnerpiaanni takutikkuminaattarput. Immaqa assit kisiisa atorlugit takutitsisoqarsinnaasarpoq. Pisisartup pisiaralugu akilertarpaa sunaagaluarnersoq nassuiaruminaatsoq.

Kisiannili najugaqartussat takkukkaangamik arlalinnik naatsorsuutigisammik peqareertarput, uagut ataatsimoorluta naammassiniagassatsinnik.

Najugaqartussat takornariaapata, suliffimminnut atatillugu angalasuuppata imaluunniit ataatsimiigiarnerit ataatsimmersuarnertilluunniit pissutigalugu najugaqartuuppata, tamarmik naatsorsuutigaat inussiarnersumik pisinnaasaqarluartunillu sullinneqarnissartik. Najugaqartut naatsorsuutigaat ajunngitsumik pitsaasumillu misigisaqarnissartik.

- **Uagut misigisaqartitsinissamik tunisaqartarpugut – nioqqutissaanngitsunik.**
- **Naammaginnittoqarnissaanik neriorsuutini tunisaqartarpugut.**
- **Pisinermi akuttunngitsumik tatigeqatigiinneq apeqqutaasarpoq, pilersinneqartussaq.**
- Pisariaqanngilaq unnuinernik tunisaqartoq aamma tassaasoq sullissinermit tunniussisussaq. Uppernassuseq aamma tatiginassuseq immikkoortuni imminut atasuni tamani pilersinneqaaqartariaqarpoq. Soorlu assersuutigalugu angalatitseqatigiiffik suut tamaasa ilanngullugit angalaarnissamik tunisaqarpoq poortukkatut isikkulimmik, angallassinermik ingerlatseqatigiiffiup, akunnittarfiup aamma outfitterip ataatsimoorlutik tunniussassaannik. Tuniniaasartoq aamma sullissinermit pilersuisartut isumaqatigiittariaqarput sullissinissaq aamma pitsaassuseq pillugu.
- Sulisorisat tamarmik pisisartumik attaveqartartut suliffeqarfiup tuniniaasorai aamma aallartitatut sulisorai. Taamaattumik kikkut tamarmik tunisassiap sunaananerik pitsaassusianillu sullissinermit suliffeqarfimmiit tunniunneqartartup iluaniittut ilisimasariaqarpaat.
- Akunnittarfinni aamma neriniartarfinni sullissinerit tassaagajupput massakkorpiaq tassanerpiarlu tunniunneqartussat. Sullissinermit tunniussassaq tunisassiarineqartarpoq

aamma tunniunneqartarpoq najugaqartup atuinera peqatigalugu. Nerisassat ilaat sioqqutilluni tunisassiarineqarsinnaapput, kisiannili sullissinerit tunisassiarineqartalrutik pisisartut sullissinernik ataasiakkaanik pisariaqartitsinera aatsaat ilutigalugu. Tamatumani piumasagaataavoq qanittumiinnissaq aamma ”tikinneqarsinnaanissaq”. Sullissinermi tunniussassat peqqumaasivimmi toqqortarineqarsinnaanngillat.

- Takornarianik sullissineq nioqqutissaavoq tigussaasuunngitsoq. Timmisartumi inissaq imaluunniit akunnittarfimmi ini ullumi tunineqanngitsoq aqaguani akikilliliinermi tuniniarneqarsinnaanngilaq. Iluanaarutissaraluaq qaqagorsuarmut annaaneqartarpoq. Ingerlalluarnepaaffissaraluami ingerlanerliorneq ukiakkut peqarniinnerpaaffigisartagaa qangiuppat angummaniarfigineqarsinnaanngilaq, takornariaqarnerpaaffigisartagaa qaangiuppat. Akunnittarfiit aamma sulissinermik suliffeqarfiit tunngavigisaat suliffeqarfinnut nioqqutissanik tunisassiortunut nioqquteqartunullu allanut naleqqiullugit allaanerussuteqarput.

Kalaallit Nunaat takorniarfittut

Internettikkut quppernemi www.greenland-guide.gl-imi Kalaallit Nunaat pillugu una atuarneqarsinnaavoq:

Manna tassaavoq avannaarsua. Silarsuaq angakkuakkatut pinnissusilik aamma peqqarniissusilik nunarsuatta qaavaniittoq.

Iluliarsuit tamarmik assigiinngitsumik ilusillit angissusillillu. Sermeq pissanganartumik sisoortoq aamma sersersuaq kipsisuitsoq. Ukioq kaajallallugu ukiukkut timersuutit ingerlanneqarsinnaapput. Avannaarsuata silaannaa minguitsoq.

Kalaallit Nunaata, 55.000-iinnarnik inoqarami, inissaq pariarfissallu pitsassuit pisummik takornarianut neqeroorutigaa. Qissattartartunut. Qajariartartunut. Qaqqasiortartunut aamma qaqqakkoortunik sikkilertartunut.

Ummasuutigut: Arferit angisuut, puisit aamma aarrit. Umimmaat, tutut nannullu. Avannaarsuata uumasui!

Matumani pineqanngilaq A-miit B-mut nikinnissaq. Kalaallit Nunaanni timmisartorneq misigisaavoq nuannerluinnartoq. Kalaallit Nunaanni umiarsuarmik sinersorluni angalaarneq annikinnermik alutornarnerunngilaq. Immami arfeqarfimmiillutillu iluliaqarfimmiipputit.

Kalaallit Nunaanni piniartut aalisartullu qimusseq qamuteralanniit tutsuigineruaat. Tikeraartitut qimussiunneqarneq inuunermi misigisaavoq puiugassarinnngisaq!

Avannaarsuani aasami seqineq tarrinnngisaannarpoq. Ukiakkut, ukiumi aamma upernaakkut arsarnerit qilammi taartumi qaqqat apummik qallikkat qulaani malittut qaffiaartarput.

Kulturitoqaaq suli attanneqarpoq: Inuit tivasarnerat, qaannamik takutitsinerit aamma inuiattut atisat kalaallisut qalipaatisissut. Eqqumiitsuliorneq sanalunnerlu kinguaariinni tullerriaani ineriartorsimapput.

Uagut amerlaqaagut takornariaqartitsinermik suliaqartuusugut. Asigiinngisitaqaagut. Ilaanni suliffeqarfiit unammillertigisarpagut. Ilaanni taakku suleqatigisarpagut peqatigalugillu ataatsimoorluta takornariaq Kalaallit Nunaat pillugu ajunngitsumik misigisassaanik tunisussaallugu, taamaalilluni maanaqqinniassammat.

Takornariat namminneerlutik tikinnaviannngillat. Maanga ”aggersarneqartariaqarput eqeersimaartumik tuniniaaneq aqqutigalugu. ”Oqummersami narajaq” tassaavoq, Kalaallit Nunaanni takornariatitsinermi uagut takutikkusutarput aamma nalunngisatsitut takornarianit pingaartinneqartut. Takornariat Nunatsinnut tikittarput Nunarput misigiumallugu, Kalaallit Nunaanni pinngortitaaq immikkuullarissaq, kulturertut aamma misigisassat.


Pinngortitami assissaqanngingajattumik misigisassarpassualimmi, nunarsuup sinnerani nassaasaanngitsoq, takornarianit ornigarneqartartutut nukittussuserput ilisimassavarput. Kulturikkut ukiunik tusitilinnik arlaqartuni oqaluttuarisaaneq. Tamanna peqatigalugu Kalaallit Nunaat salleranut ilaavoq teknologi nutaaliaasooq eqqarsaatigalugu, minnerunngitsumik qarasaasiat internettillu atornerqarneri eqqarsaatigalugit.

Naatsumik allaaseriguk misigisassat suut tikeraartussap naatsorsuutiginerai www.greenland-guide.gl-imi atuassallugit

Pilerisaaraluni niuerfinni tuniniaaneq

Sullissinerit tunniunneqartarneri tunngavilugit suliffeqarfipput pilersissavarput. Inussutissarsiuterput inuussutigissavarput, aamma paasissavarput suliffeqarfik pitsaanerpaaq pilersinneqartarmat sullissat naammagisimaarinnittut aqutigalugit, piareersimasut tunniussat misigisallu akilernissaannut.

Suliffeqarfipput paasissavarput. Paasissavarput inuuffigisatsinni avatangiiserisagut qanoq ittueneri. Najugaqartitagut paasissavagut aamma tassunga atatillugu immitsinnut ilisarimassasugut.



- Suut pikkoriffigaagut?
- Pisisartut suut piumavaat?
- Qanoq iliorluta taakku tunniutissavagut?
- Qanoq iliorluta kalerissaarissaagut susinnaassuseqarnitsinnik?

Illit nammineq akunnittarfivit pilerisaaraluni niuerfinni tuniniaanermi atortui isiginnaaqqissaakkat. Tassani pineqarput najugaqartussat takusinnaasat atuarsinnaasaallu akunnittarfimmut tikitsinnatik aamma paasissutissat saaffiginnittarfimmi, neriniartarfimmi ineeqqamilu mappimmiittut il.il.

Allaguk sullissineq suna aamma misigisassat suut najugaqartussat naatsorsuutigissaneraat pilerisaaraluni niuerfinni tuniniaanermi atortut atuareerneranni.

Suleqatitillu eqqartorsiuk, naatsorsuutigineqartut suut ilissi ajornanngitsumik naammassisinnaanerlugit suulu ajornarnerussasut.

Sullissinerup tunniunneqarnissaanut illit akisussaaqataavutit

Tamatta misiginikuuvarput akunnittarfimmi najugaqatut nuannaarlutik naammagisimaarinnillutillu – allaammi qujamasullutik aallartut, nuannersunik misigisanik nassarlutik.

Aamma tamatta taassuma akerlianik misigisaqarnikuuvugut.

Najugaqartut pakatsisimasut kamassimasullu akunnittarfik suliffigisarput allanut najugaqarfissatut kaammattuutigineq ajorpaat, immaqalu namminneq uteqqinngisaannassallutik.

Taamaattumik pingaaruteqarpoq pissutsit najugaqartut sullissinermik pitsaanngitsumik misigisaqartinnissasa pinngitsoorneqarnissaa.

Sulisutut tamatigut pinngitsoortissinnaangilarput najugaqartut naatsorsuutigisaasa eqquutitinninnissaat, kisianni ataatsimoorluta misissoqqissaarsinnaavarput pissutsit ajutoorfusut, siunissami taakku pinngitsoortinnissaat anguniarsinnaallugu.

Najugaqartup inaanut inissillutik misiliguk.

Takorlooruk illit tassaasutit najugaqartoq.

Akunnittarfik ilisimanngilat, naluat sumi nerisoqarsinnaasoq imaluunniit tassani susoqarsinnaanersoq, tassami siornatigut tassaniinngisaannarsimagavit.

Najugaqartussaq tikippoq unnuup ingerlanerani timmisartumut kinguartoorsimasumut ilaalluni, aqaguanilu ullaakkut nal. qulinut illoqarfimmi suliffeqarfiit ilaanni inuit marluk naapittussaallugit. Najugaqartoq ataatsimiinnissamik aqqissuisussaavoq – ajornanngippat akunnittarfimmi – suliffeqarfiullu oqarasuaataata normuata ilisimanerata saniatigut naluua suliffeqarfik illoqarfiup suani innissisimanersoq.

Najugaqartoq akunnittarfimmit tikiuppoq taxamut ilaalluni, saaffiginnittarfimmilu sulisumik inussiarnersumik tikilluaqquneqarluni. Sulisorisanik allanik akunnittarfimmiittoqanngilaq – kinguseqimmammi sulisut allat angerlareersimammata – taamaattumillu najugaqartussat nassatani amerlaqisut nammineq inissaminut assartorneqarneri isumagisariaqarlugit.

Ineeqqami mappimi takuneqarsinnaavoq neriniartarfimmi nal. arfineq-marluk aamma qulit akornanni ullaakkorsiortoqarsinnaasoq, ullup qeqqasiortoqarsinnaasoq ullup qeqqaniit nal marlut tungaanut aamma unnukut nerisoqarsinnaasoq nal. arfinerniit nal. arfineq-pingasut tungaanut.

Nal. 19:30 najugaqartoq saaffiginnittarfiliarpog neriniartarfik nassaarinialugu neriniarlunilu.

Neriniartarfik ammagaluarpoq, kisiannili igaffik matusarpoq nal. 19:30. Saqisoq inussiarnisaaqisoq ajuusaarpoq, kisiannili tassa igaffik naalagaavoq taama kingusitsigisukkut nerisassiortoqassanersoq – taamaaliorusunngillarlu, taamaatumik najugaqartoq angusaqarani ingerlaannartariaqarpoq. Kisianni soorlu saqisoq oqartoq: Unga pisuussutiginaagulu akisussaaffiginngilara. Unga sassaalliisarpunga. Nerisassiortuungilanga.

Najugaqartup saaffiginnittarfik aqquasaamiuk ullaakkut arfineq-marlunut itersarneqarnissani noqqaasutigaa.

Aqaguani ullaakkut nal. arfineq-marlunut susoqanngilaq – kingusinaangaatsiarluni saaffiginnittarfimmut ammut apuukkami nal. qulingiluanut naapippaa sulisoq allarluinnaq itersaasoqarnissaanik ilisimasaqanngitsoq. Saaffiginnittarfimmi peqqissaartumik aamma sukumiisumik nassuiaatigineqarpoq najugaqartut itersarneqassagaata unnuakkut pigaartup taakku allattarai immikkut immersuiffissamut – ullormilu tassani immersuiffissami allassimasoqanngilaq. Saaffiginnittarfimmi sulisoq piffissaq eqqorlugu nal. arfinernut nammineq sulilersimanerarpog.

Ullaakorsiutigaluni, massakut pisariaqartilersimasaqisamik, najugaqartoq aamma akunnittarfimmi inimik ataatsimiiffiusussamik pissarsiortariaqarpoq, tassunga ilanngullugit kaffi ataatsimiinnermilu pulaartigisassaminut imeruarsaatissanik.

Taamaaliornissarli sulisorisamik allarluinnarmik isumagineqartussaavoq – taannalu aatsaat nal. qulinut suliaartortussaavoq. Saaffiginnittarfimmili oqaatigineqarpoq taamaaliornissaq ajornaquteqarnavianngitsoq, kisiannili neriorsuisoqarsinnaanngitsoq, tassamigoq tamaaliornissaq ataatsimeersuartitsisarnermut immikkortortaqaqarfiup akisussaaffigimmagu.

Najugaqartup niuernikkut attaveqarfigisai takkummata saaffiginnittarfimmi issiallutik minuttini 15- ini utaqeqqaarallartariaqarput, ini ataatsimiiffissaq piareersiillugu.

Ullaakorsiortitserernerummi kingorna neriniartarfik matoqqasarpoq.

Kaffi ataatsimiinnermilu imeruarsaatissat agguinneqarput nal. 11:30 – taakkumi aamma sioqqutilluni piniarlugit inniminneqarsimagillat!

Aqaguani najugaqartoq akunnittarfik qimaleramiuk saaffiginnittarfimmi sulisumut oqaatigaa pitsaasumik pineqarsimanani.

Saaffinittarfilerisoq qisuariarpoq takisuumillu nassuiaatigalugu akunnittarfiup pisortaasa aalajangersimagaat igaffik matusartoq nal. 19:30, ataatsimiitafiit inniminnerneqartassaasut nal. ak. 24-t sioqqutilluni, itersaasoqanngitsoorsimanera ilisimasaqarfiginagu aammalu isumaqarluni akilerneqartut tamaasa akunnittarfimmiit tunniunneqarsimasut.

Taamatut takisuumik nassuiaanneqareerluni najugarsimasoq tunniutiinnarpoq nassatanilu uniarlugit taxaliarluni timmisartoq ilaaffissani angumeriniarlugu – misigisat pakatsiffiusut arlalissuit qimallugit.

Suleqatitillu eqqartorsiuk suna ajutoorfiunersoq aamma akisussaaffik sumiinnersoq.
Allatut qanoq iliortoqarsimasinnaava – aamma akisussaaffik kiap tigusimassagaluarpaa?

Illit akunnittarfinni pissutsit naatsumik allaaserikkit, tassani najugaqartoq pitsaalluinartumik
sullinneqartoq aammalu taamaattoqarneranik oqaaseqartoq pillugu.

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

Inuk akisussaassuseqatq	Inuk soqutigisaqanngitsoq
Ajugaasoq nassuiaasarpq	Soqutigisaqanngitsoq nassuiaatissarsiortarpq
Ajugaasoq suliassani sinnerlugit akisussaasutsimik peqarluni misigisimasarpq	Inuk soqutigisaqanngitsoq oqartarpq: Maani sulisuinnaavunga
Ajugaasoq piffissamik atuisarpq suli pikkorinnerulerumalluni	Ajorsartup piffissaq atortarpaa isornartorsiorneqarnissani pinaveersimaartinniarlugu

Sulisog tuniaasuuvog

Akunnittarfiup pilerisaarutigalugu niuerfinni tuniniarneqarnera aamma siunissami unnuinissat nioqqutigineqarnerat sulisunit ataasiakkaanit ingerlanneqarpoq, sulisut ataasikkaat najugaqartussaq attaveqarfigileraangagu.

Akunnitarfimmi pingaaruteqartuuvog suliffeqarfiup sulisorisamit illersorneqarnera – akerlilersorneqannginnera. Oqaatsit ”tamannajuna pisortaasut taamaalioqusinerisa kingunera” aamma og ”suleqatimajuna tamanna kukkunerat” atorsinnaanngillat. Tamatta akunnittarfiup ataatsip ilagaatigut. Najugaqartut ataatsimoorussaraarput. Ima isumaqarneq ”unga taanna susassarinnngilara” atorsinnaanngilaq.

Sulisoq akisussaaftimmik tiguisoq

Tassa imaappog sullissinermik sulisorisat tassaapput akunnittarfiup sinniisui aamma tuniniaasartui. Akunnittarfimmi neriniartarftimmilu suliat qanog suliarineqartarnissaannut qanorlu suleriaaseqartoqarnissaannik aaqqissuussisoqartillugu suleqatigiit isigineqartarput taakku akunnerminni tassaasut pisisartut, taamaattumillu sulisutut pissutsit pinaveersaartinneqassasut ”pisisartorisap” sumiginnagaannissaa. Sullissinerit tunniussisussat tamarmik – aamma suliffeqarftimmik namminermit – imminnut ilisimateqatigiittarnissaq pillugu akisussaaqataaernermit tiguisariaarput. Paasissutissamik tunniussinissamik pissarsinissamillu akisussaaftimmik. Najugaqartumut sullissinerit imminnut atasut akornanniipput, tasanilu sulisorisat tamarmik pingaaruteqarput najugartitaq pitsaanerpaamik misigisaqassappat.

Najugaqartup aningaasarsiagut akilertarpai

Imaasinnaavog sulisorisamiit, najugaqartumik saquussussumiit allaffimmut qullersaqarfigisamut imaluunniit pisortarisanut ungasittoq. Taamaattumik ”uagut” ”taakkulu” ungasissuserput isorartuutut misinnarsinaavog. Kisianni najugaqartoq ataatsimoorussaraarput. Pigisani taanna pingaarnarpaavog. Taassuma aningaasarsiassagut akilertarpai. Taanna inuussutigissavarput. Taamaattumik najugaqartoq sullissinernik akiligaanik tunniussaqaarfigissavarput. **Naggaterpiaani najugaqartoq tassaavog uagut sulisitsisorput.**



Suliffeqarfiit avataanniit qimerlooruk – najugaqartup isaannit

Akunnittarftimmik suliffeqarfik sunaluunniit imminut piinnarluni napasinnaanngilaq. Akunnittarftimmik aamma neriniartarftimmik ingerlatat assigiinngitsut tamarmik tassaniinnerannut pissutaavog inunnit allanit, najugaqartorisatsinnit kissaatit pisariaqartitallu naammassineqarnissaat.

Najugartoqanngippat suliffeqarfeqarsinnaanngilaq aamma suliffissaqarnaviannngilaq.

Taamaattumik sulisorisat tamarnik misilittariaqarpaat namminneq suliffeqarfigisami avataanniit qimerloornissaa. Naatsorsuutigisanut qanog naammassinnittarpugut? Saaffiginittarftimmik

sulisorisaq sivikitsuinnarmik nerriviusap illuatungaanukalaarsimasuuppat. Suliassaq qanoq isikkoqarsimassagaluarpa? Illit paasinninnerit naapertorlugu?

Najugaqartoq ilinniarfigissavarput

Sullissinermi tunniussassani sullissinerit immikkoortut arlaqarpata, ima pisoqarsinnaavoq najugaqartoq sullissinermik tamarmiusumik takunnilluarsinnaanerusoq, sulisorisap ataatsip takunnissinnaaneranut naleqqiullugu. Imaalluarsinnaavoq najugaqartup sullissinerit immikkoortui assigiinngitsut aqqusaartorai. Najugaqartup suliffeqarfitsinni aqqutissat ilisimavai. Tamanna aamma pillugu najugaqartoq tusarnaassavarput utimut nalunaaruteqarpat oqaluttuaralugu tunniussagut ataatsimut isigalugu qanoq innersut.

Sulisorisatut najugaqartut ilinniarfigissavagut – qanoq oqarnersut tusarnaarlugit.

Qanoq iliussavit – najugaqartuniit isornartorsiorneqaruit ?

Najugaqartut sullinneqarnissaminut kaapput

Suliffeqarfiit amerliartuinnartut ullumikkut unammillertiminnik ajunnginnerusumik sullissisinnaaneq toqqammavigalugu unammillileraluttuinnarput. Najugaqartut kissaatigaat sullinneqarnissartik amma pisariaqartippaat misigissallugu arlaanit isumagineqarnissartik. Pingaartinneqarlutik soqutigineqarnermik misigisimanissamik pisariaqartitsipput. Inussiarnersumik ilitersuunneqarnissamik pisariaqartitsipput. Ingammik takornariamut tunngatillugu taamatut pisariaqartitsineq annertusinnaavoq. Tamanna uatsinnit nalunngilarput. Ullut tamaasa suleruluttarpugut, Pisiffimmut niuerniartarpugut, tassani niuertitsisut annertunerusumik attaveqarfigisinnaanagit. Ikinngutittaluunniit kammalaattalu pulaarnissaat piffissaqarfigivallaarunnaarsimavarpugut.



Kisianili takornarianngoraangatta piffissaqarnerulersarpugut. Taava piffissaqarnerulersarpugut sullissinerit nuannaarutiginnissaannut, maluginissaanut taakku ajungitumik ingerlanneqarnersut.

Aammami akileratsigit. Immaqa ilungersorluta sulilluta aningaasanik katersiniarsimanitsigut. Taamaattumillu nuannaarutiginnissaannik qilanaarsimalluta. Feeriarnarput akornuteqaavissanngilaq. Akunnittarfimmi sullissinerit tamarmik eqqorluartuusapput!

Takornariammi misigisani ukiup sinnerani inuussutigisassarai.

Aamma taamatuttaaq ippoq pisisartutsinnut niuernermik ingerlataqartunut ataatsimeersuariarlutillu najugaqartartutsinnut. Aaqqissuisunut pingaaruteqarlunnarpoq aaqqissuussinerup iluatsilluarnissaa. Nunarsuup qaavani ataatsimiinneq najugaqartunut nunanit allaneersunut immikkut illuinnartuuvoq aamma naatsorsuutigisat annertusaqaat. Sumulluunniit iluaqutaanngilaq ataatsimiinnermi

unitsiarnermi kaffisugassaq piareeqqanngippat, seqersissutsip qullitaa aseqqukuuppat, isumaqatigiissutaasutut piffissaq eqqorlugu qimussiussisartut takkutinngippata.

Sullissinerit tunniuttakkagut tanngassimaarutigissavagut

Suliffeqarfimmi sullissinermik inuussuteqartumi atorfilittut uagut pitsaanerpaamik sullisserusuppugut. Sulinitinni suliattoq imarisai tanngassimaarutigissavagut. Tunniuttakkagut nuannaarutigissavagut. Tunniussaq tunniuttassavarput uatsinnut najugaqartumullu usorsisimaarutissanngorlugu. Uagut nammineerluta annertuumik iliuuseqartariaqarpugut. Iliuuseqartariaqarpugut isumaqarutta najugaqartut eqqortumik ilimagisaasa sumiginnarneqarnissaasa killissaat tikinneqalersoq, taamaalilluta ataatsimoorluta aaqqiissutissamik nassaarniarluta ajornartorsiutit takkuppata.

Najugaqartoq sullissinermik ajunngitsumik misigisaqassaaq imaattoqarpat

- Najugaqartoq tikilluaqqusaasutut misigisimappat
- Najugaqartoq inussiarnermik saqissunneqaruni
- Najugaqartoq siunnersoneqarluaruni - oqaatsit paasinartut atorlugit
- Najugaqartup apeqqutai akineqartarpata

Akunnittarfimmi sulisorisat tamamik ataatsimoorlutik peqataapput najugaqartup saqissunneqarnerani.



Siunnersuutit pitsaasut

Atisarissaartarit aamma isikkorilluarterit:

Isumagisariaqarpoq takujuminartuunissaq. Sumulluunniit iluaqutaangillat kukiit ipertuut, atisat alittortut il.il.

Eqqortitseqqissaarneq:

Piffissamik eqquigit. Isumaqatigiissutinik eqqortitsisarit.

Tusarnaarluarterit malussarniarlutillu:

Najugaqartut tamakkiisumik qanoq oqarniarnerat tusarnaaruk assortuinngitsumillu akillutit – aamma massakkorpiaq toqqaannartumik akisinnaanngikkaluarlutit: ”Tamanna ilisimasaqarfiginngilara, kisianni paasiniaassutissavakkit”.

Qungujunneq:

Qungujunnerup tamatigut matut ammartarpai assigiinngitsunillu pisoqarsinnaagaluarnera aaqqittarlugu.

Erseqqissumik oqaluttarit, tunniusimalluti aamma paasinartumik:

Takisuunik immikkuualuttortai tamaasa ilanngillugit nassuiaannak, najugaqartumut soqutiginnassuseqanngitsunik. Soqutiginnippalaartumik nipeqarit!

Piareersimagit:

Pisortarisat isumagisassaraat sulisorisat pisussanut assigiinngitsunut piareersarsimanissaat.
Pikkorissartitsineq manna ingerlanneqartoq tamaattuuvoq.

Isummat pigiliussat puigukkit:

Uagut kalaaliusugut nalunngilarput inuit allat uatsinnut tunngatillugu isumaat pigiliussat. Kukkuneq taanna illit pigilissanngilat, ammasuugit akuersaartuullutillu.

Imminut tatigigit:

Pissutissaqanngilaq ajukkussuteqarnissamut. Suliassatit sapernagit suliarisinnaagukkit, namminerisamik tatigerpalaartorujussuarmik takutissaatit.

Immikkuualuttut ataasiakkaat maluginiartakkit:

Immikkuualuttut ataasiakkaat inunnt amerlasuunut silarsuarmi pingaruteqarnerpaatut isiginiarneqartarput. Annikitsunnguani assigiinngissutsit sunaaneri paasisarpagut.

Tamakkiisumik isiginnigit:

Massakkorpiaq pisut nalilersukkkat najugaqartullu naatsorsuutiginnagai aallaavigalugit iliuuseqarit. Eqarsaartigiuk illit anaanat, uuit imaluunniit meeqqatit qanoq piniarnerlugit. Pisut eqqarsaatigeqqaarlugit iliuuseqartarit.